

Tennet divar eur Werz all irroc'h.

- 1    Selaouit oll, compagnunez,  
Selaouit cana eur vuez,  
Buez an Aotrou Sant Ederñ  
Ar Patrom euz a Blouedern.
- 2    En Enezenn anvet Irland  
E verker oa ganet or Zant;  
D'en gallouduz, d'en a c'hened  
Evit ar c'horf ag ar spered.
- 3    Var e vadou, e iaouankiz  
E reaz abred sae a dispriz,  
Vid clasq rouantelez an nev  
A silvidigez de ene.
- 4    Diouz e dud e kimiadaz,  
De vro adie e lavaraz,  
Ag e var vor da zont e Breiz  
Evit prezeg eno ar feiz.
- 5    En eul lec'h var aod kerne  
A demdost da Zouarnene  
Anvet ar Juk brema c'hoaz  
Gat e lestrig e touaraz.
- 6    Da glask eul lec'h cuz a sioul  
Vid tec'hed pell diouz ar foul  
E loj en eur c'hoad a gemer  
Eun diou pe deir leo diouz Kemper.
- 7    Eb douja da neb seurd amzer  
E viscamant a voa dister.  
E wele ao an douar ien  
Gat eur mean a zindan e benn.
- 8    Gourizou reun a zougenne  
Gat bara groz e tremene,  
A gat louzou euz e jardin  
Eb eva morse berad gwin.

- 219 Epad un darn vad eus an noz  
Ar beden a oa e repoz;  
Outa e unan didruez,  
Ouz e nesa leun drugarez.
- 10 Gouscoude teodou an dud  
A glaskaz rei deza gwal-vrud;  
Gouzav a ree gat an dud criz,  
Gouzav a ree oll dispriz.
- 11 An Aotrou euz a Gistinit  
A fachaz ouz e vioc'hiq;  
Ma laoskaz varnezi e chas  
A chom al loen var ar plas.
- 12 Ederñ dont; a var a gounter  
Ar vioc'h senti var ar ger,  
Sevel ac'hano a mont kuit.  
Ez a bark Aotrou Kistinit.
- 13 Direiz e cavet al loen,  
A ne esperne douar den;  
An oll a glemme er c'harter  
Ag a lavare oa laer.
- 14 Mes an dud-ze ne ouient ket  
Burzudou Doue pa vez red;  
Var a gonter, el lec'h peuret  
Eo e save ar gwlla ed.
- 15 Doue a roaz d'on ermit  
Ar c'hoantegez da dec'het kuit,  
Rag e galon n'oa ket digor  
Dar meuleudi na dan enor.
- 16 Dre gerne e redaz calz bro,  
Ma cavaz eur plasig distro,  
A sevel eno eul lojenn,  
Da hed, d'ober pinigenn.
- 17 Eno e reaz meur a vurzud,  
Ma redaz anezan ar brud,  
Noa seurd poan na seurd clenved  
Na gave dezo ar remed.
- 18 Eur feunten a oa e kichen  
Al leac'h ma savaz e lojenn;  
Ederñ a reaz eno sevel  
D'ar Verc'hes-Vari eur Chapel.

- 19 Breman eo anvet Lanedern,  
Enni e peder Sant Edern ;  
Eno e faaz, en e vuez,  
Meur a viracl, a goudevez.
- 20 En dejentil o chasseal,  
Araog e chas en aneval  
A redaz evel da c'houlenn  
E loj ar Sant cuz a diffenn.
- 21 Eur c'haro oa, a, penn gwelaz,  
Dirag Sant Edern e stouvaz,  
Vit outan en em erbedi  
A goulenn digorr en e di.
- 22 A ma chomaz ar c'haroze  
Var dro Edern divar neuze.  
Peuri a ree var an deiz  
A dont bemnoz de lojeiz.
- 23 An Aotrou a oa souezet  
Gant ar seurt burzud c'hoarvezet,  
Ma rank Edern deza discuez  
Galloud Doue, e vadelez.
- 24 Kent an Aotrou c'hoaz ne ouie  
Anavout mad an den Doue ;  
Neuze en pedaz a galon  
Ma c'houlennje deza pardon.
- 25 Var ar gounter, an Duk a Vreiz  
A erruaz gatan eun deiz  
Tremen eharz an ermitaj  
Ouz Edern e comzaz eur paj.
- 26 Edern a oa gant e bedenn  
Ne respountaz ket trum dan den  
Ag ar Sant en doe ragtal  
Eun taol digat an den brutal.
- 27 Edern, var scuier e vestr Jezuz  
A oa den-dous a gouzavuz,  
A ne gemeraz droug ebed  
Laouen da veza disprizet.
- 28 Ker buan, var a zo scrivet,  
Duk ag e dud coll ar gwlet,  
Doue o falvout discuez scuier  
O welet skei e zervicher.

- 29 An Duk ag e gompagnuned  
Da vro Leon o clask monet,  
En em gavaz nec'het maro,  
Ne anavezent ket ar vro.
- 30 Sant Ederñ ober eur bedenn  
da c'houlenn dezo sclerijenn,  
Rag Ederñ a greiz e galon  
A ch'oulenne dezo pardon.
- 31 An Duk a voestaz e savze  
Eun Ilis el lec'h ma vize  
Dan eur ma welze sclerijenn  
Da gaout sonj iviziken !
- 32 Evid gloar e zervicher  
Doue a oe o c'hunduer,  
Ma errujont e bro Leon  
Ag eno o doe o fardon.
- 33 Eno e teuaz ar gwelet  
D'an Duk a de gompagnuned,  
Er plas ma savaz Plouedern  
Ag ar Patrom eo Sant Ederñ.
- 34 E Gwengolo, an deiz kenta  
Eo ema ar Gouel ganta ;  
An deiz eo ma z'eez da repoz  
Gant Jezuz en e Varadoz.
- 35 A ni irio, Plouiz-Ederñ  
Pedomp a unan Sant Ederñ ;  
En em erbedomp a galon  
Ouz an ini zo or Patron.

*Piè creditur, tutò negatur.*

❧ FIN. ❧